



UNIVERSITÄTS-
BIBLIOTHEK
PADERBORN

Nic. Clenardi Epistolarvm Libri Dvo

Clénard, Nicolas

Antwerpen, 1566

Nicolavs Clenardvs Domino Iacobo Latomo Praeceptorri Observando, S. D.

[urn:nbn:de:hbz:466:1-70781](#)

NICOLAI CLENARDI

EPISTOLARVM LIB. I.

¶ NICOLAVS CLENARDVS DOMINO
IACOBO LATOMO PRAECEPTORI
OBSERVANDO, S. D.

¶ **N**ON dubito, charissime præceptor, quin
sæpius discipulum accusaueris, quod toto
quadriennio vix binas literas miserit. Si fa-
ctum id putas obliuione tui, audacter ipse
viciissim iudicium tuum damnabo, qui lō-
ginquitate loci amicitiam dirimi putaueris. Cur ergo
alios, inquies, crebrò salutasti, me vix vnquam? Cur
etiam anno superiore, cùm fratrem germanum dimit-
teres, Latomi tui non meministi? Hic enim iam omnem
præcudit causationē, de inopia vel perfidia tabellario-
rum. Accipe ergo excusationem non peccati, sed silen-
tij. Cùm primū veni Salmanticam, & futurum vide-
bam, vt ibi aliquandiu subsisterem, nihil magis erat in
votis, quam vt te præcipue de rebus meis certiorem fa-
cerem. Verūm homo, vt scis ipse, domesticis parietibus
magis delectatus, quam luce publica, nullam prorsus
reperiebam nunciorum commoditatem. Aberat aula
Cæsaris Methymnæ, vnde propter veredarios spes ali-
qua nobis affulserat, in ipsa vero Academia fermè solus
eram è nostratis, & quotquot amicos nactus eram,
Hispani erant, nec desiderio meo conducebant. Quid
igitur facerem stupidissimus homuncio, qui tanquam
plumbeus semper vixerim in huiusmodi humanis ne-
gotijs, scilicet expectabam dum felix aliquis incideret
casus, quando consilio viam inuenire non poteram. Et
ecce subito Minorita quidam me nihil tale suspicātem,
vltrò adiit, iubetque literas expediam: se enim intra
biduum abiturum in Flandriam. At vide quam sinistre
fuerim usus tam bona occasione: dum studio plurimis

A 2 sedulus

NICOL. CLENARDI

4
sedulus satisfacere, viles modò schedas effudi, quòd
tamen multis amicis justis literis salutandis, ne octo qui-
dem dies satis fuerant. Retaliasti tu festiuiter sanè, &
per eundem tabellarium chartulam remisisti, abiectam
alioqui nisi fuisset tūra, & honore ac titulo præceptoris
cōmendaretur. Agnoscebam protinus culpam meam,
& exprobratam ridebam contractiorem epistolam. Di-
stuli tamē placare offensum fortè animum tuum, quòd
iam tum cœperant res meæ vt cunque nutare, & modò
videbar sedem stabilem habiturus Salmanticæ, propter 10
linguarum trium professionem: nūc contrà de adeun-
da quidam somniarant Italia, quòd propediem abiturus
erat discipulus meus, filius Proregis Neapolitani, &
animus erat tibi omnem vitæ meæ fabulam conscribe-
re. Dum sic suspensus aliquandiu cessarem, & iam pa- 15
rum de tabellariis cogitarem, menses aliquot labuntur,
deposito penitus scribendi animo, donec certius quip-
piam de statu meo contingenteret. Quid ergo tandem fa-
ctum est? Amicorum precibus dedi, vt professionem
publico salario susciperem, cùm longè alia mecum 20
agitarem. Vix duodecim credo abierant dies, cùm ecce
mihi adest legatus è Lusitania, proposita conditione
Regis, & ocio copiosissimo. Quod ego vlnis obuiis ar-
ripui, mirante vniuersa Salmantica, quæ tamen abeun-
tem honesto prosecuta est viatico. Hic rursum exclu- 25
ditur propositum meum, & profectio Lusitanica lite-
ras isthuc proficisci vetuit: nimirum vt simul atque huc
venissem, omnia ad plenum tibi per ocium scriberem.
Vbi Eboram perueni, dedi aliquid literarum ad amicos,
sed in præsens non memini, nisi quòd deinde laboraue- 30
rim eadem inopia tabellionum: & si quid scripsi, in ca-
sum potius misi, quām spe certa futurum vt literæ red-
derentur. Sed hæc omnia, inquies, pensare poterat tuus
frater. Audi quæso & hanc infelicitatem. Putabam ho-
minem hic permansurum, nam ex meorum literis suspi- 35
cabar ea gratia missum à parentibus, vt apud mercato-
rem quempiam negotiorum rationem perspiceret, ef-
fec i

feci hīc facile, ut meus hospes D. Iohannes Paruus, frātrem commendaret Carolo Correo mercatori Gallo, qui agit Vlyssipone. Verūm ego imprudens, confectis epistolis, disco fratri in totum displicere Lusitaniam, de s quo certē nō magnopere dolui, tum propter adolescentem ipsum, quem videbam in perditissima iuuenium colluuione versaturum: adeò perditè viuit iuuentus Hispanica, aut vt verius dicā nostras iuuentus, postquam huc se se contulerit, tanta est flagitio & vitæ licentia, maximē Vlyssipone, vbi fratri viuendum fuerat: tum ergo ipsius nomine, tum mei quoque gratia sic sati gaudebam, qui turbam alioqui metuere debebam, & aliquantis per deuorare molestias fraternalis. Ad hunc modum spe retinendi hominis præcisa, consilium fuit, 15 vt tametsi redire statuisset, potius tamen interim dum aliqua solueret nauis, inter mercatores viueret, & vel obiter quid disceret, quām hīc in ocio & tēdio sine fructu hæreret. Vnus credo exactus iam erat dies, cūm audimus appulsas naues, & quasdam adornare abitum, 20 Ibi verò nihil prius fuit, quām vt quamprimum frater discederet Vlyssiponem, & raptim vnam atque alteram epistolam conscripsi ad parentes, & ad patruum: nimirūm per ocium omnes amicos salutaturus, & fasciculum grandem missurus ad fratrem: neque enim credebamus tam citō illum abiturum in patriam. Verūm vt vbiique sim à literis mittendis exclusissimus, simulatq; ingressus est ille ædes Caroli Correi, nunciatur nauta Zelandus abiturus. Pernoctauit itaque Vlyssipone, & postridie profectus est. Habes molestas rationes taciturnitatis meæ: verūm condonabis, & quando verboſas tantūm nos scribimus literas, nō sententiosas, è multitudine & inepta verborum congerie, saltē epistolæ scribendæ voluntatem colliges. Pergamus igitur in fabula, & ineptiamus ad saturitatem, apud humanissimū 25 præsertim virum, quiq; ut coram me nugantem non solebat reijcere, ita etiam per epistolam cōfabantem & quis accipiet auribus. Facit, facit optime præceptor,

A 3 per-

perspecta mihi tua facilitas , vt abutar patientia tua , & alioqui tam longū silentiū loquaci aliquo calamo pensandum erat . Suggerit etiam libertatem atque adeo libidinem garriendi , tam profunda studiorum meorum tranquillitas , vt res , inquit Comicus , sese dant , ita magni atque humiles sumus . Cūm olim me videres misere contabescere , quod iudici N. adulandum esset , & procuratores ambiendi , profectò non potuisse sic insolescere , & tam delicate cum chartis ludere . Nunc nos Deus respexit , & eam traducendæ vitæ commodi-
tatem largitus est , vt ocio planè abundem . Quid faciam nisi vt cum charissimo mihi Latomo paulisper animum recreem ? Gaudeo mi præceptor , rogo ferme . Vtinam aliquando me Dominus tibi restituat , vtinam saltem se-
dem tecum morituriens habere possim , & præsentis 15
ocij fructum apud præceptorem meum deponere . Est sanè hæc mihi vita tam commoda , vt nuñc demum me viuere credam , propterea quod nihil træpto præter li-
teras , sed alia exilij bona , alia patriæ . Nisi quod atro-
ciora hæc quotidie nobis obnunciantur , quām vt illic 20
iam viuere libéret . A quibus omnibus tumultibus adeo hæc sumus alieni , vt facilius Christiani quidam futuri sint , quām hæretici . Eia nimium istud mordax est Clenarde : Semper mortificat veritas , semper tamen sunt qui non metuant verum dicere : missam , si libet , fa-
ciamus hanc camarinam , tantum indicare volui , quām sumus hæc tuti à factionibus , quæ indies magis ac magis isthic increscunt , adeo vt si nihil aliud , vel hoc certè nō nimis displicere queat mihi hæc præsens peregrinatio , vt interim omittam bellicos istos rumores , quos 30
nescio quis hæc nuper sparserat , rursum reges illos inter se committendos , vtriusque ditionis luculenta clade : cūm hæc nobis in vtramque aurem securos dor-
mire liceat , quod ad hanc causam attinet : magis cum Indis & Afris bellum gerimus , qui & si quid molian- 35
tur quotannis , non tanien tam latè malum grassatur , vt Lusitanis sentiant : tantum in confinio præsidia quædam subinde

subinde Mauri incessunt, & quod olim perdiderant, recuperare student: quos ego hostes sic metuo, ut non semel in mentem venerit adeundam mihi tandem esse Africam. Audio enim in vrbe Fessensi mirè florere studia Arabica, ad quæ dum Salmanticæ viuerem, magnū animum adieceram, nec meus resipuit animus: etsi iam fermè biennio ipsum studium ferias habeat. Expecto libros quosdam è Murcia, qui si (vt spero) veniēt, rursus in illud pistrinum reuoluar; neque enim con-
quiesco priusquam felicem illam Arabiam penetraue-
ro. Est nobis hīc medicus eius lingua callentissimus:
homini molestus sum futurus cùm istos, quos dixi, li-
bros accepero. Non hinc distat ciuitas Fessensis nisi
leucas circiter centum, & celeberrimum est emporiū
Africæ, quò crebrò nostri mercatores commeant. Faxit
Deus vt aliquando hanc tanquam appendicem & obi-
ter profectionibus meis adiiciam. Nam de Italia nec
dum despero: scilicet vt per Germaniam, Germanus
erro recurram Louanium: Ita enim per iocum disce-
dens dicebam, & forsitan eueniet. Cras si dabitur lo-
cus, pergam tecum fabulari. Tu mi colende præceptor
benè interim vale, & me vt facias, ama. Eboræ XXIIII.
Martij. Anno M. D. XXXV.

Tusa.

CLENARDVS LATOMO SVO S.

Pvto te, mi præceptor, iam nuper audisse, quo
pacto relicta Salmantica venerim in Lusitaniam, vo-
catus à Rege. Placebat sanè celeberrima illa mihi Aca-
demia, nec paucos amicos mirè candidos, & doctos
nactus fueram, quibus nihil æquè studio fuit, quām vt
me si possent, penitus inaurarent: & vel hoc lenocinio
perpetuo in gregem suorum, externum hominem coo-
ptarent. Et omnino futurum videbam, si illic hæsis-
sem diutius: adeo magnum apud plurimos fauorem
emeritus hīc fuerat tuus ineptus discipulus, nulla re ma-
gis insulsus, vt nosti, quām si quid palpandū est, & assen-
tandum. Diuulsit tamen me subito conditio regia, non

A 4 quod